



Since 1952

# INCHÛKLÂI NUN


[www.hmarstudents.org](http://www.hmarstudents.org) [inchuklainun@gmail.com](mailto:inchuklainun@gmail.com) [hsaghq@gmail.com](mailto:hsaghq@gmail.com)

*Published by the Hmar Students' Association, Gen. Hqrs.*

VOL. NO.: LXII ISSUE NO. 5/62 JANUARY - MARCH 2014

Rs.15/-

Registration No.:- A-182 RN No. 4681-57 P.Reg. No. MNP - 08



## HPC (D) ASSAM DESIGNATE CAMP HAWNG

*Hmar Hnam le Dulien Tawng Tobul  
L. Tlanthang Infimate - 1*

*Inchûklai Huong -3  
(CI-12 Science Zoah Iem?)*

*Chanchn Lâwrkhâwm - 8*

*Chanchn Tlângpui - 15*

*HSA Chanchn Thar - 6*

*Chanchn Langsâr Zuol - 12*

*Hrisêlna - 5*

*Thil Hmusuok Thar - 11*

*Aw kan Hmarram - 10  
(Saisel Khuo)*



**I.N. TEAM****Chairman***Dr. John H Pulamte***Editor***Joseph V Tuolor***Members***Lienthanglur Khawzawl**Robert Hmar**Andy Pudaite**Sumlamrawn Hmar**Raltawnluoi Hmar**Lalramsang Hmar***Inchuklai Nun**

*(An organ of the Hmar Students' Association (HSA) General Headquarters) PO Box No. 52, HSA Campus, Churachandpur, Manipur, Pin- 795128*

**Printed at -****Tuolors' Printing & Designing,**

*Pipi Shopping Point, Mission Veng, Muolhoi, Haflong, Dima Hasao, Assam. Pin- 788819*

**email -**

*inchuklainun@gmail.com  
hsaghq@gmail.com*

**H**nam ta dingalungphûm pawimaw tak el kum chu eilo *Editorial....*

chuongkâi nâwk dêr el tah. HSA chu India'n zalênna a hmu hma dei khan inchûklai hai hmakhuo ngaina lei le hnam hmakhuo ngaina leiin indinin alo um ti chu ei hriet seng a nih. Hnam hma ngai êm êmtu haiin ei hnam riengvâi le pasietak chu pâwl hmangin nasa taka thuoisuok tumin vawisûn chen hin anlo thaw hai hung sunzawm peiin thei ang ang sin a, san a, hril a, thuoï a, hnam rawng an bâwl nasa takzet zie hai an kuthnung hai ngei hin a târlang a, an chungah hin an thilthaw thât hai lakah thât hi ei bat lieu lieu a nih. Hnam ta dinga inchûklâi pâwl pakhat char nei a lungruol taka ei umkhâwm hin ami va sukmâwi de aw. A siet hun le châu hun a thangpuitu nêk a ânsie inhlawtirtu le suknawmnatu ni lem lova ei hnam rohlu hi mani ta ngei ani ti ei hrietchieng nâwk zuol ava pawimaw de. A pânser hai tuom damtu le a keihruoitu ding eina, School, College le University a kâi hai chauh ta ani bîk nawh. Ei zakuo le ei puonbil mawng in eg eini vêkin ei phâwk naw chun tunam mi phâwk pêk chuong anta? Ei rothil hai chu ei duot in rêl mawngah ei sie hlak a, fimkhur takin ei enkawl hlak. Ei hnam ro ei organisation hai hi a thâtana le a sietna ei liengkoah a'n ngat a. Sinin, Hrilin, San a Thuoï a hnam rawngbâwl a Platinum Jubilee kum hi ei hmang hlâwk theina dingin ieng thil am thaw ve'ng eiti aw? Iem ana ei mamaw le ei tul? Inchûkna tieng iengtinam hma la thar eita? Ei khawtlâng iengtinam siemtha thei eita? Ram iengtinam nei vat eita? ti hai hi mani a ngaituo a Jubilee kum hi eita dinga kum danglam le bul tan thar kum dingin ei hmang a pawimaw hle.

*Article le chanchin insuo nuomtu hai chun hi a chungah ei târlang address hai a khin iengtiklaikhawm thawn thei ani a, E-mail a chunhsaghq@gmail.com / inchuklainun@gmail.com ah thawn thei a nih.*

**HMAR HNAM LE DUHLIEN ƧAWNG ƧOBUL***L. Tlanthang Infimate*

Hmar hnam le Duhlien Ƨawng Ƨobul hi hei târlang met ka tih. Ei pi-le-puhai chanchin hi a zieka kimlo thu le hla a anlo sak, ngaituona le suizuia hriet pei ani bawk. Hmar Ƨawng laia mawi em em Duhlien Ƨawng, Mizo Ƨawng ei ti hi Mizoram-a chun Ƨawng tlanglawn tak-ah anlo hmang ta bawk a nih.

Duhlien Ƨawng Ƨobul thurawn ka lakna le kalo hriet ve dânin, kum 1986 lai khan ka Pu H.K. Bawisuok piengna khuo hmu ngei dinga Mizoram ka va'n zinna-ah Serchhip khuo ânthawka Khawbung khuo pan dingin Jeep-in kan hei fe a, zân dar 1:00am vêlin Vanlaiphai kan tlunga, Khawbung khuo kan ban zo ta naw leiin Vânlaiiphai-ah dâr 1:00am a kan tlung chun Mizo Ƨawng an ti hi ka hmang ve ngai naw leiin Hmar Ƨawngin ka ruol hai ka hang biek ri chu putar kum 80 bawv vêl chun alo hriet a, a kawt a hung hawng nghala “Tum ana Hmar Ƨawng hmang chuh?” tia a hung indawn chun “Kei ka nih” ka ti le inruolin mi chibaiin ami kuo anruol nghâla. Putarpa chu a hming khawm indawn chuong loin an hnam hming kan dawn chawta. “Buongpui, Darngawn ka nih” tiin ami dawn a. Eh! Ka pa puhai, ka puhai inni chu ka tia, inphalam der loin Âr mi that dingin ka ngen nghâla. Zingkar chun Ârsa kan fâk tlâng a, Mizoram-a Hmar hai chanchin, Hmar Mizoram-a an lut dân chanchin le Mizo Ƨawng hi Hmar Ƨawng, Duhlien Ƨawng a suok ani zie dân ami hril a. Khawbung khuo chu Hmar hai sât ngei ani zie ami hril sa bawk.

Duhlien chanchin hang suilût inla. Hmar Lal Duhlien hi Tuosing a tusuon

Khawlaisun naupa a ni a. Ama hi mi pieng danglam tak a nih. Duhlien a pa hin Ramsiel le Sazuksa naw chu a hme nuom ngai naw leiin a naupa hming chu Duhlien tiin a phuok pêk niin an hril. Duhlien hi mi hrât tak, Saihli thal kâp thiem em em a, a hming ânthang pha bawk a nih.

Zâmpui khuo-a a'n Lal laiin Dolukim a thla haiin Lal hran an nei naw leiin an Lalpa naunu inneitirin Maipawl khuo a chun Lal-in an sie ta a. Hieng hun lai hin Lushai Hill a hin a hming ânthang bêk bêk a, Duhlien Lal hre naw khawm an um meu nawh. Sâp hai, 1080 AD hnunga Mizoram hung lut hai khawm Duhlien Lal hre naw an um nawh tia hril a nih. Duhlien in Lal na hnuaia hin Lushai le Hmar, Sukte, Gângte le hnam chi hrang hrang an um khawm leiin Ƨawng hrang hrang anhmang a, Duhlien hin a khuo-le-tui hai Ƨawng chu a hmang thei vawng bawk leiin Duhlien Ƨawng chu Ƨawng tlanglawna hmangin Duhlien Ƨawng Ƨobul Mizo Ƨawng ei ti hi a hung suok ta a nih.

Mizoram a hin Hmar, ei pi-le-puhai hi Lushai hai nêkin ei lo lut hmasa bawk. Hmar hai chanchin ziekna ei en chun Sinlung an hung suoksan khan tuta Burma ram Shân a hin hnîngnhâr takin an um ti chu an hriet thei. Shân khuo an

Valley an hung lut nâwk ta peia, Kachin phai an suoksan hin Arunachal an hung luta, Arunachal a' nthawkin Kâwl phai Khampat hmuna an hung chêng nâwk ta pei a nih. Khampat hmuna hin Luopui Lal-in an ðhung nawk a, Simtieng Lersi, Hmartieng Zingthlo hai chu Lal-in an in ðhung bawk. Kâwl phai a' nthawkin Shan phai an hung lût a, Shan phai lût lo po hai chu tlang hung thla peiin tuta Mizoram-ah an hung lût ta a nih. Mizoram a hin Hmar pi-le-puhai chu hung chengin sulhnung le khuo sat tamtak an hung nei ta a nih. Chuong hai chu hril seng naw mei nih.

Tiengthlei khuo a hin Hmar hai sulhnung le Sirte tlanga sunhlu an phun thlar hai le an tuikhur hai leh Hmar pi-le-pu haiin Ro an phum rukna ngei hai hmu theiin a um bawk. Chun, Rothai tlang hai Mizoram-a Hmar pi-le-puhai lo chêngna hmun hai Biete, Ngurte, Khawzawl, Khawbung, Chawnchhim, Zote, Þhieik, Hrangchalkawn, Lunglei, Laisawral, Champhai, Sungte tlang le Lawihmun khuo ei hang hril bik deu hai a hin Hmar Lal sikhawnthei an um a. Chuong hai chu Chawnhmang,

Pamanga, Talentpa, Phunteha hai an nih. Hieng Lal hai hin ram lien tak tak anlo awp a, Aizawl biel, Lunglei biel, Chittagong Hill Tracts le Sylhet biel le Tripura miu phai chen anlo awpa hril a nih.

Hmar Lal Rêngpui hnuoia hin Lal Rêngte an um nawk a, chuong hai chu Tanhrila, Tuchhianga, Vawnzamang, Zamthangpui, Hmunsaia, Damlukim, Duhlien le Sibuta hai an nih. Sibuta khawm hi tlawngnal khawtlang po po hi a Lalram niin an hril. Sibuta hi Lusei Rivunga Lal a nih an ti a, Hmar Rawite hai chun an pu an thlatu niin an hril ve thung. Hmar Saivate ruok chun an pu Sibuta a hringtu niin an hril ve thung. Mizoram-a Hmar pi-le-puhai an lo chengna le an loin Lalna hai le Hmar Duhlien ðawng lo piengsuokna kalo hriet dân a nih.

Hmar ðawng nisi Hmar ðawnga ei ngai ta naw?

Hmar hnam a mi nisi Hmar hnam a ei ngai thei ta naw?

Hmar hnam ami nisi Hmar hnam a inngai ta lo hai Hmar ðawng hmang nisi Hmar ðawng hmang an nih ti inhre theilo

hai hi rengtin am thawng ei ta?

### Letter to the Editor

To

Pu Editor, hun sâwtta inthawkin Assam ram a bikin Cachar a eini tlângmi umhai ST (Hills) status buoipuiin a um ti ka lo hriet a, Hills status ei neinaw leiin nasatakin sawrkar a ei chanvo ei hmu naw pha el khelah sin zawngna a khawm harsatna tamtak ei tuok mêk a, amiruokchu wawisun chen hin 'Hills Status' hi pêkin eila umnaw zinga, hi thu le inzawm hin sawrkar iengtinam nawrin a' nhmatieng 'Hills Status' hmu thei dân ei ngaituo ding? Annawleh, hmalatuhaiin iengchen chie am ei phâk ta a? Iengang a ngaituo zawmpei ding am ning a ta?

- Elbee Hmar, Muolhoi, Haflong

Class XII (Science) zoah hin iem thaw'ng kata ti hi indawwna lientak ani rawp hlak. Nu le Pa tamtak hai khawm a nauhai exam an hung zo hin chu iengtinam?/ iem a'n chûk ding?/ Khawla'm etc ti hai ngaituoin zân imu khawm an intuo thei ngainaw rawp hlak. Science hi a huopzau khawpel a, Science inchûk hai ta ding chun inchûk zawm ding tamtak a um a nih. Amiruokchu, thurâwn thatak neinaw le hrietnaw lein mani nauhai ta ding le mani ngei inchûk ding le inhnik zâwng hai hrelovin harsatna tamtak ami'n tlun hlak.

Ei thu hung hril ding hi a langsâr zuol le a pawimaw zuol hai chauh ei târlang ding a nih. Science hi ei hril ta angin a huop zau hle a hmun hni a the thei ani a chu hai chu Pure Science le Applied Science hai an nih. Chu tilo in hmunhni dang bawlin ei the thei nawk a, chu hai chu Maths Category le Biology Category a nih. Medical tieng le Engineering tieng hi CI- XII (Science) zo chun India ram a ding chun mi tamtak invêthil a ni bawk a nih. Amiruokchu hieng tilo khawm hi hamthata ding tamtak a um.

- \* *Biology tieng inhnikna neitu le Medical line a lut nuom hai chun hieng a hnuoia hai hi inchûk thei a nih.*
  - MBBS or Bachelor of Medicine and Bachelor of Surgery
  - BDS (Bachelor of Dental surgery)
  - BAMS or Bachelor of Ayurveda Medicine and Surgery
  - Physician
  - Optometrists
  - Dental Surgeon
  - Pharmacists
  - Nursing le a dang dang
- \* *Maths, Physics le Chemistry a inhniktu hai chun Engineering line hieng a hnuoi a ang hin an lût thei bawk.*
  - Mechanical Engineering
  - Civil Engineering
  - Aeronautical Engineering
  - Bio-Medical, Information Technology Engineering
  - Marine Engineering
  - Electronics and Telecommunication Engineering, Etc.
- \* *Medical le Engineer chauh niloin hieng a hnuoi a hai a'nthawk hin hlawlingna thatak le career hmatiang beiseiumtak ni thei a nih -*

**\* Forensic Science:**

- B.Sc in Forensic Sciences
- Diploma in F/Sciences (Ballistics and Finger Prints)
- B. Sc in Forensic Sciences
- B. Sc in Life Science, Chemistry, Forensic Science
- Diploma in Forensic Science (Cyber Crimes)
- Diploma in Forensic Science (Computer Forensics)
- Diploma in Criminology and Forensic Science for Police personnel

**\* Zoology:**

- B.Science (Hons) in Zoology
- B. Science in Zoology and Animal Biotechnology
- B. Science in Aquaculture (Fishery Microbiology)
- B. Science in Advanced Zoology and Biotechnology
- B. Science in Zoology

**\* Biotechnology:**

- B.E. in Biotechnology
- B.Tech (Industrial Biotechnology)
- Diploma in Biotechnology
- B.Science in Biotechnology
- B. Sc in Biotechnology and Bioinformatics

**\* Agriculture:**

- B.Sc (Agriculture Mktg and Business Management)
- B.Sc (Bio-chem and Agricultural Chemistry)
- B. Sc in Crop Physiology

- B. Sc in Entomology
- B. Sc (Hons) in Agriculture
- B. Sc in Agriculture.
- B.Science in Agricultural Eco and Farm management
- B. Sc in Agricultural Statistics
- B. Sc in Agronomy
- B. Sc in Agricultural Meteorology
- B. Sc in Agricultural Biotechnology

**\* Geology:**

- B.Sc (Hons) Geology
- PG Diploma in Geology (Ground water)
- PG Diploma in Environmental Geology
- PG Diploma in Engineering Geology
- B. Science in Geology

**\* Textile:**

- Diploma in Fabrication Tech and Erection Eng
- B.E in Textile Technology
- Diploma in Textile Tech
- Diploma in Textile Eng
- B.E in Man Made Fiber Technology
- B.E in Textile Chemistry

**\* Microbiology:**

- Diploma in Clinical Microbiology
- Diploma in Clinical Pathology
- B.Science in Microbiology
- Diploma in Industrial Microbiology
- B.Science (Hons) in Microbiology

**\* Food Technology:**

- B. Sc in Food Processing and Technology
- B. Sc in Food Storage, Preservation and Food Tech.

- B. Sc in Food Technology (Bio-Chemical Engineering)
- Diploma in Fish Processing Technology
- Diploma in Sugar Technology
- B. Sc in Food Preservation and Processing
- B. Sc in Food Processing Etc.

Ei hriet zing ding a pawimaw chu tienlai khan chu Medical Science le Engineer hai chauh hi CI-XII (Science) zo a

inchûk ding le hieng hai a 'nthawk chauh a kaisâng a hlawtlingna chang thei ani ti ngaidân anlo nei hlak kha bânsan a ngai tah. Tulai khawvêl hung inthanglien pei a hin hieng a chung a inchûk ding course ei târlang hai hin a chungtieng kâina kawngah vân char ami dâltu a um ani ti hi khawvel ngaidân ani ta lem a, hausakna, hming inthangna le sin hmu awlsamna khawm ani sa bawk a nih.

### **Hriselna HA SUK VÂR DÂN**

Mi tamtak chu ha vâd dit êm êm vâd tha theilo an um a chu chun mi lai a mani inringzo tâwknawna khawm a siem rawp hlak a nih. Sêng tam lo a ha sukvâr dân hi alo um a, man thlawmte a sukvâr thei ani bawk.

Baking Soda- Hi hi ha sukvârna ding a man thlawm si tângkai êm êm le tha êm êm el chu a nih. Baking Soda hi bazaar a dâwr hai a awlsam taka hmu thei ani a, a man a thlawm bawk a nih. Soda hi toothpaste a tlawmte pawl a ha hi nâwt ding ani a, ienglai hunah khawm hmang thei zing a nih.



Strawberries- Strawberries hi ân hnik a, a rim khawm ân hnik bawk. Thabo chang khawm ha nâwt a thàng nasa tak lâk angai naw a, a sung a um a mu hin ha raw hai sukfai theina anei a chu chu tângkai tak a nih.

### **APPLE A TÂNGKAI HLE**



Scientist hai chun Apple kâwr/hâwng a ursolic acid um chu hriselna ta dinga tângkai tak ani an hmu suok thar. Hi thil hin zunthlum le lung tieng natna intlun theitu lakah venghimna sin nasatakin a thaw a, thau taluo ding hai khawm apple fak hin a veng thei a, hriselna a siemtha pha thei a nih.



### PLATINUM JUBILEE CHIBAI

Hun sâwttak a inthawk a eilo nghakhla êm êm HSA chu kum 75 hmel tukum 2014 hin alo hmu der el ta a, HSA member hai popo Platinum Jubilee Jubilee Chibai vochuom ka bûk cheu. Ei ðuoitu hmasa hai ðahnem ngaina zârin vawisun ni chen hin HSA hi anmi phur pêk a, nasatakin hnam ta ding le inchûklai hai ta dinga an thil lo thaw hai le an thil inhlân hai hi ðangthar hai theinghil ruol ani naw a, inpâk an umin lâwm an um takzet a nih.

Ei jubilee hi ropui tak le ðangkai taka hman eï tum angin hmun tin le ramtin a um GHQ, JHQ, Branch, Block le Unit tin hai chu eïin singsa mêk a lawm um eï ti hle a nih. Hi kum hi nasa takin inchûklai hai khawmin ðang hang la thar eita, mani inchûkna tieng hlawtlingna ða le mi entawn tlâk ni dingin thaw'ng eï tiu. Khawtlâng le eï hnam ta dinga ban pawimawtak eïni ti inhrie zingin eï thilthawna kawngtinrêngah mani chauh inngaituo loin danglamna ðatak inchiktlak kum ni dingin hma hang la seng inla eï nuom takzet a nih.

JHQ, Branch, Block le Unit tin hmaiin eï hman zo pha HSA inñanna Nurte khuo, Churachandpur, Manipurah ngei a lawman hunser ropuitak a hman dingin eï inbuotsai mêk a, hi lawman hunser le eï programme duonlâwk hai po po a hin thatho tak a eï ðang tlang theina ding le, eï hlawtling ngei theina dingin eï ðawngñaina hai a khawm lo hrie seng dingin eïin ngên a, Jubilee kum hlawtlingtak le ðangkai taka hman seng dingin HSA GHQ aiin ditsakna insângtak ka'n hlân cheu.

HSA Dam zing raw se.

Sd/-

L Rothanglien Khawbung  
General Secretary  
HSA GHQ

### *HSA Chanchin Lâwrkhâwm*

#### HSA GENERAL ASSEMBLY

Liemtah January ni 13 le 14 khan HSA Campus Rengkaiah HSA General Assembly wawi 54 na nei a nih. Hi hunah hin palai fekhâwm hai chun Platinum Jubilee hman dân ding riruong Celebration Committee haiin an siem hai chu namnghet a nih. HSA Logo inanglo nuk a hman ani tah hi ngaituoin hman ding tak thlangsuok

ani bawk. Assembly chun JHQ lien a hai chun Unit panga nêk a thlawmlô anni chu HQ hrietpuiin Block indin thei dingin a rêl bawk. HQ in kumtin Annual report a siem ding thu rêl ani a, chu report chu 2014 a'nthawk a hman ðan ding a nih. Constitution siemðat met met ding um hai siemthat (Amend) thaw a sut thar dingin rêl ani a, HSA hlapui dingin Pu James Songrolal hla "Hmar Students' Association" ti hla lunruol taka thlang ani bawk.



Assembly Secretariat hun alo tâwp ta leiin 2013-15 a ðuoiu thar hing a hnuoia ang hin thlang an nih-

*Speaker : Pu Joseph R Hmar, Imphal*  
*Deputy Speaker : Pu John Vanlalruot*  
*Puruolte, Imphal*

*Secretary : Pu Vanlallien Pulamte,*  
*Silchar*

*Deputy Secretary : Tv. Lalringum*  
*Riengsete, Haflong*

### **COMPETITIVE EXAM COACHING**

HSA JHQ. Shillong chun kumti a alo huoihawt hlak angin tukum khawm Ramsiempui Charitable Foundation le inkawpin sin zawng mêk hai mi tuel khawm a ðang nuom taphawt ðang thei dingin a huoihawt mêk.

### **SSC EXAM COACHING**

Churachandpur JHQ hmalâkna hnuoia HSA Campus Rengkai a SSC CGL Pre-Exam Coaching pêk chu, mi 100 nêk a tam ðangin March 29 khan alo tâwp tah.

### **HSA GUWAHATI DDK**

Shillong JHQ chun Platinum Jubilee hmangna ding a fund hmuna dingin march thla lailung khan PPC Doordarshan, Guwahati-ah Choir member mi 22 fe in Hnam hla le Pathien inpâkna hla hai an khum.

### **EDUCATION CAMPAIGN**

Sinlung Hills JHQ chun hung tlung ding April thla tâwp khin Sinlung Hills Education Campaign nei dingin HSEB le programme a siem. Hi hun sùng hin khuo 5 vêl fang ni'ng ata, School a hai fein naupang hai le nu le pahai kuomah

inchûkna tieng a hriet ðul pawimaw tak tak hai inhril ning a tih.

### **MIL FREE COACHING**

Diphu HSA chun liemtah March ni 17 a'nthawk a ni 22, 2014 chen kha CI-IX a'nthawk a chungtieng hai MIL Free Coaching hlawtling takin a pêk.

### **SEMINAR**

March ni 21 khan HSA Barak Valley JHQ le NEICORD hai chun "Panchayati Raj Institution" ti thupui a hmangin Hmarkhawlienah Seminar an huoihawt. Hi hunah hin Hmar, Khasi le Rieng hnam hai khuo 10 a'nthawkin mi 80 vêl an fekhâwm.

### **TET ASSAM HMAR MEDIUM**

Assam ramah LP School a Medium Teacher TET a'nthawk a an lâkna a chun Hmar Medium LP School a dingin mi 38 an tling. HSA chun a lâwmpui hle.

### **THIEMFIN DELHI-AH HMANG**



HSA Delhi JHQ chun liemtah March ni 8 khan Delhi khawpui a khawsak inchûklâi hai lai an thilthiem hieng Literary le Art -ah inruolsiekna an buotsai. Inruolsiekna chi hran hran hieng Debate, hla phuok, designing, quiz, poem hai vengbuk a inthe a nei a nih. Hi hunah hin Delhi Thurâwn special edition TLAITLAN tlângzar a nih bawk.

**TRIPURA CIVIL SERVICE TILING**

Pi Esther Rengpui W/o David Lalmalsawm chu TCS a'n ziek tling. Ama hi mi 60 lai a 21st position niin Tribal a 2nd Position a nih bawk.

**HSA JIRI- VANGÂI UNIT FANG**

Liemtah January thla khan HSA Jiri-Vangâi JHQ chun an biel sùng a Unit um mumal tanawna khuo iemanizât hai a Unit indin tharin, Platinum Jubilee phuisui taka hmgang dân ding thu hai hrilin Vangâi biel an fang.

**PHD HMU THAR**

Nk.Ruth Laldinthar Inbuon D/o Pu Salsawmthang Inbuon chu Department of Botany, NEHU hnuoi ah Doctor of Philosophy (Ph. D) inhlân a nih. A Doctoral Thesis chu: *“Role of Earthworms on Soil Microbial Diversity and Leaf Litter Decomposition in Soils from Selected Forest Stands of Meghalaya”* a nih.

Tv. Henry N Pangamte S/o Pu L Ruoivel Pangamte chu Department of Chemistry, NEHU hnuoi ah Doctor of Philosophy (Ph. D) inhlân a nih. A Doctoral Thesis chu: *“Quantum chemical investigations on Arynes: Quinolynes and Isoquinolynes Computational Chemistry Research”* a nih.

Tv. Robert Tuolor S/o Pu Thildam Tuolor chu Department of Political Science, NEHU hnuoi ah Doctor of Philosophy (Ph. D) inhlân a nih. A Doctoral thesis chu: *“Working of the North Cachar Hills Autonomous Council of Assam: 1995-2008”* a nih.

**Chanchin Lâwrkhâwm****MZP ZOFEST HAFLONG-AH**

MZP Zofest International 2014 neina hmun dingin Haflong, Assam thlang fel alo ni tah. A hun ding ruok hi chu sukchieng chie ala ni naw a nih. Hi hun a fe dingin MZP chu Zohnathlak hai popo a fiel thu a puong.

**IFS NUNGHAK THAR**

Nk. Esther Lalțankim Serto, Pu Waimuchung le Pi Rohnieng, Delhi chu UPSC Indian Forest Service (IFS) Final result suok a chun a tling. Eni tlangmi a chun IFS tuta ãum a dingin ama chauh a tling a nih.

**MPSC MAINS RESULT 2013**

Manipur Civil Services Combined Competitive (Main) Examination 2013 result suok a tling ei hriet thei hai:

1. Nk.Lalthazam Songate, BDO/Saikot, Jr. MCS
2. Tv.Derrick Khawbung
3. Pu.Zosanglur Zote, MFS
4. Tv.David Gange
5. Tv. Alfred Jamlallun Khaute, SDC/Ccpur, Jr. MCS

Personality Test April ni 13, 2014 khin an nei ding a nih.

**SHDC CHAIRMAN IN TUOL-AH BOMB PUOK**

March 22, 2014 zing dar 4 inrik hma deu khan Sinlung Hills Development (SHDC) chairman Hmingchungnung, Bungkawn Vengthar-a a in hlou veranda lai chun hmelhrietlo haiin bomb an sukpuok a, vangneitlak takin thi le hliem an um nawh.

Bomb sukpuok a ni ti an hriet le inruolin Police hai chu inrang takin bomb puokna hmun an tlung nghal a, CID le Forensic tieng hai khomin a thawtu hnung le hma an sui zui nghal a, Aizawl Police Station-ah thubuo siemin, bomb sukpuoktu hai hi sui mək an nih.



#### **HMAR INPUI SPECIAL ASSEMBLY**

Liemtah March ni 28 le 29 khan Sielmat, Churachandpur-ah Hmar Inpui General Assembly nei ani a Constitution review committee in ‘draft’ an hung siem chipchier taka entlang a ni a, a thu in (in principle in) pawm a nih; hmang nghal dinga namdet a ni hma in biel tina mihaiin an lo en nawn nawk theina dingin ‘final draft’ thawndar nawk dinga ti a nih. Thla 6 bo hma’n Special Assembly nei nawk dinga rël a ni bawk.

Hmar Inpui region inthe dân ennawn nawk dingin Commission indin remti ani a, member ding chu EC hung ruot dinga sie a nih. Special Assembly thurël bawzuiin Hmar Inpui NC Hills & KA region inthlang chu May 1, 2014 in Muolhoi a nei dingin sukthluk a nih bawk.

#### **UK AH NEI INANG INNEI PHAL**

United Kingdom a Marriage (Same Sex) Act 2013 kuma anlo passed ta chu a tak ngeiin March ni 28 inthawk hin dan siema um hi England ram pumpuiah hmang tan a ni ta ding a nih.

Kum 1970 a inthawka LGBT (Lesbian, Gay, Bisexual, and Transgender) Movement inchikna a an lo hmang Rainbow Flag chu British history-a a vawikhatna le a hmasatak na dingin Nei inang innei (same sex weddings) dân anga phal ani tah ti inlangtirna dingin Whitehall-ah khai par in a um. Rainbow Flag hi 31 March chen Cabinet Office le Scotland Office chung a hai khai par ve a nih.

#### **HSA PLATINUM JUBILEE CELEBRATION KOLASIB JHQ**

HSA Kolasib JHQ chun hung tlung ding May ni 15-16 hin HSA Platinum Jubilee chu hmang dingin anin singsa mək. Ni 15 sùn hun hi Sports le insukhlimna chi hran hran nei ning ata, zân hun chu phuisui taka hmang ni bawk a tih. Khuollien Dr. John H Pulamte, President Hmar Inpui Gen.Hqrs. ning ata Khuolzaum dingin Tv. L Rothanglien Khawbung, Gen. Secy. HSA, GHQ ning a tih. Martyr’s Day May ni 16 khawm inser ning ata khuollien dingin Asstt. Prof. Pu Vanlallien Pulamte, Editor, Zawllung Magazine, Secretary, Assembly Secretariat HSA GHQ ni bawk a tih. April thla sùng hin Kolasib JHQ chun Platinum Jubilee hmingin Blod Donation thaw bawk an tih.

**AW KAN HMAR RAM...*****Saisel, Cachar, Assam***

Saisel khuo hi inlâr bék bék naw sienkhawm Cachar a Hmar khuo a chun khuo upa pâwl tak ni dingin ring a um. A khuo hi Silchar a'nthawk chun 40 Km vêl a hla ani a, Hmarkhawlien a inthawk chun dârkâr khat le a chenve vêl ke a lâwn a ngai anih. Saisel khuo hi a sâttu hi tu tu'm an nih hriet vawng thei ni tanaw sienkhawm Late. Pu. Zawla (Thiengi Pu tia ko hlak) hi chu a thang ngei a hriet a nih. Pu. Zawla in a thi hma a hril dân chun, a khuo sât kum hi ziek ninaw sienkhawm, a khuoah kum hni vêl an um hnungin indopui pakhatna (First World War) a hung in tan ngal ani atih. A thu hril anga hang sui chun indopui pakhatna chu 1914 a inñan ani a, kum 1912 vêl a an um tan ti thei a nih. Chun, Saisel khuo hi Hmarkhawlien nêka upa lem a hril ani hlak bawk.

Saisel khuo hi 'Saisel Jhum Land Permission' sũanga um ani a, hi Saisel ram sũanga a hin Chikhur, Hebron, Budon le Muolkawi khuo hai khawm a ram sũanga umin Saisel khuo LAL hin a awp sa vawng anih. A ram hi 4000 hectare (approx) vêl a lien ani a, a ram lekha permission hi 1942 lâi vêl a British sawrkarin a lo pêk, India independent zo hnungin 1952 vêl a siemthât nâwk anih. Hi khuo a hin tu chen hin lamlien, electric, tui (water supply) la thlung lo zing a nih. Saisel a hin tienlai chu in 50 vêl chu an lo um hlak a, sienkhawm lamlien mumal



umnaw leiin iemanizât chun lo inpêm san ta a, tu hin chu in 20 vêl chauh um na a nih. Bajar le School kâina hai hi dârkâr hni vêl ke a lâwn ngai anih.

Saisel khuo a hin tu chen hin 'LAL' (kingship) system a inthuoï anla ni a, election ni lovin inthlasâwng a la fe pei anih. LAL hmasatak chu Late. Pu. Zosandam Khawzawl ani a, chu zovin a nau pasal hai lai a upa tak Pu. Jhahmuok Khawzawl in LAL ni na chu chel in kum hni vel a inthawk khan a naupa Pu. Lalsiemmawi Khawzawl in LAL ni na sin hi a lo chel tah. Hi khuo a hin val-upa chu an um a village council ruok hi chu an nei ngai nawh.

Hi khuo a hin sakhuo na tieng chu thingbul le lungbul hai lo bie hlak (animism) an ni a, kum 1950 lâi vêl khan Pastor Kambuông le Pastor Tlurpu hai rawngbâwlna a inthawkin tuhin chu Christian an lo ni vawng tah. Tuhin a khuo a hin Presbyterian kohran le EFCI kohran a um.

Saisel khuo hi tienlai a inthawkin an fâk zawng na chu tlanglo (jhum cultivation) anih. Khawvel hung in her danglam pei in khawsakna a hung intak deu deu a, tu hin chu fâk zawngna dang dang hieng tlanglo, huon, thing le ruo zawr le leilet hi anin ngatna ani deu tak. Khuosak na

tieng chu Cachar Hmar khuo a dingin a upa pâwl taka ngai nisienkhawm a pasie le harsa pâwl tak ning an tih. Hieng hin an khuosak na tieng harsa hai sienkhawm inchûkna tieng chu ðhang an lâk nasa in sawrkar a officer chen kaithei khawm iemanizât zet a khuo en a awm lovin hmu ding an um an tah. Chuonghai chu a hnuoi a hin kimchang lem in hang târlang ei tih. HSLC Pass 09, H.S Pass 04, T.D.C. Pass 04, M.A. Pass 02, Ph. D 01, B. E. 02, M.B.B.S P.G (MD) Student 01, MBBS student 01, ACS Officer 01, Assistant Professor 01, Tax Inspector 01, Engineer (in service) 02, Third

Grade Staff 04, L.P. Teacher 02, Staff Nurse 04.


Hing ei târlang hai hi khuosung a um vawng naw hai sienkhawm Saisel khuo registration nei zing an postingna hmun a um an nih. Saisel khuo a hin Hmar LP School pakhat 1973 khan indin ani a, 1975 khan Assam sawrkar chun a provincialised a, tu chen hin student 60 vèl an kâi a, Hmar medium nisienkhawm vâi khawm an kâi ve ani. Hi School hi Pu. VL Ruota Hmar in 1975 a inthawk 2013 chen enkawlin alo retired san tah. Saisel khuo hi kum zakhat sui dana chun chuong dei ta sienkhawm centenary lawmna ruok chu hmang a la ni nawh.

*Source:- Dr. Lalzawmlien Hmar, MA, PhD Asst. Professor, Silchar*

### ***Thil Hmusuok Thar***

### **PLANET THAR HMUSUOK**

NASA Kepler Mission chun planet 715 an hmu thar. Hi planet an hmu thar hai 100 ah 95 hai chu Neptune nêk a lien lem vawng anni a, ei umna khawvel nek a hmu li a lien vawng anni tawl a nih. Kepler hin arasi 150,000 chuong a enna a chun planet nundân put arasi 1000 chuong umin a hmu bawk. Hieng a hmu lai hai a mi hi chientaka sui zui niin planet 715 hai chu planet anni ngei sukchieng an nih. Kepler hi 2009 a thawnsuok ani a,



Kepler hi khawvel angpui a mihriem chêngna tlak planet zawng dinga NASA'n a tirsuok hmasatak a nih. Hieng planet a hmusuok hai lai hin 961 hai chu khawvel ang a mihriem chêng theina dinga ngai an nih.



### ***HIV LE HEPATITIS C DAMDAWI HMUSUOK***

Australia mithiem hai chun kum 5 sùng a HIV le Hepatitis C natna sukdam theina damdâwi an hmu suok. Hi an thil hmusuok hi rannung a ensin ani ta a, mihriem a khawm a ðha dingin an ngai a ensin vat ani ding thu an bril.

## *Chanchin Langsâr Zuol*

### **Euthanasia Plea Issue**

Supreme Court of India chun euthanasia (rinumna lei a mani inthat phalna) chungchang a ngaituo. Hi chungchang ngaituo ding hin judge 5 Constitution bench indin a nih. Euthanasia hi natna le rinum tuor taluo hai mani remtina ngei a an hringna court phalna a mani le mani hringna lâk a insuk hadamna a nih. Hi chungchang a hin ngaidân tamtak a um leiin nasatak a enfie a guideline siemna ding a final decision chu siem ani ding thu an hril.

Hi dân (Euthanasia/ rinum tuor talo ding a mani inthat) hi Netherlands, Belgium, Luxembourg, Switzerland, Estonia, Albania le US states, Washington, Oregon le Montana a hai chu sawrkar dân a pawm ani tah.

### **7,200 Km State Roads - Highways**

Cabinet Committee on Economic Affairs (CCEA) chun 7,200 Kms, states roads hai chu national highways a inlet dingin thutlukna an siem. UPA sawrkarna hun sung hin 17,000 km state highways hai chu national highways a siem anni tah. Tuta India ram a National Highway ram sũaga ei nei a rêng a seizâwng chun 80,000 km a nih.

### **Rishang Keishing Politics Chawlsan**

India parliamentarian upatak Rishang Keishing (94) chu kum tamtak politics alo thaw hnungin February thla khan chawlsan a tum ta thu a puong. Ama hi Rajya Sabha (the Upper House of



Parliament) Member anina April 9, 2014 khin alo tâwp ding an tah.

Keishing hi Lok Sabha inthlang 1952 a Socialist Party MP niin MP ani tan a, Congress-ah kum 1962 khan a lût a nih. Manipur Chief Minister term li lai alo nih. Mr. Keishing a retire pha chu Mr. Ram Sundar Das, Janata Dal-United (JD-U) MP chu MP upa tak ni ve ta'ng a tih.

### **Paper Diagnostic**

Indian-American scientist, Ms. Sangeeta Bhatia chun paper hman a cancer checkna a siemdawk. Hi thil hin cancer nei hai ta ding chun in en awlsam lem ata, aman khawm tlawm hle'ng ata, cancer nei hai chu hi hman hin a hun taka enkawl dam thei anni ta ding a nih. Ms Bhatia hi Massachusetts Institute of Technology (MIT) le Howard Hughes Medical Institute a professor a nih.

Hi paper hi nau pâi le pâinaw enna ang hin zun a'nthawk a en ding ani a, nano technology hman a siemsuok damdawi injection niin zun en ani ding a nih. Injection thaw a'nthawk hin cancer pai hai chun cancer hrik an pai hriettheina chu anin zun dawk ding ana, chu chu paper hman a lo hmufie thei ani ding a nih.



## Odisha Lokayukta Bill 2014

Odisha Legislative Assembly chun Odisha Lokayukta Bill 2014 chu alo rêlthlûk tah. Chief Minister, ex-Chief Ministers le minister hai le public servants hai ðhangin six-member anti-corruption panel indin a nih.

Hi Bill a alu cheltu ding head pahni hai chu judicial background nei ni'ng anta, a dang pathum hai chu non-judicial background an nih. Hieng mi pathum hai lai hin pakhat chu nuhmei annawle ST/SC annaw chun minority a mi rotation in an ðhang ding a nih. Lokayuta a member ding hai chu kum 50 hnuoi mi nilo Chief Minister, Opposition Leader, Speaker le Chief Justice Odisha High Court a haiin an thlang ding a nih. Lokayukta hin Corruption le inzawm state sũaga mi hrim hrim chu ngaiven theiin in suizui tir thei a tih. Hieng member hai hi peithlâk annina dingin Governor in thu nei ata, a pei hma hin State Assembly Member (MLA) 25 hai in pei an remtina ziekin an pêklût angai a nih. Corruption le inzawm a hêkna indiknaw an siem ani chun kum khat sũang tângin intâng thei anta, chêng nuoikhat chen châwi thei bawk an tih. Hi anti Corruption Bill hi Parliament a December 2013 a pass ani hnung a Odisha hi India ram state a Lokayukta Bill (Corruption dodaltu) pass hmasataktu an nih.

## Mei Kâng Theilo Paper

February thla khan Chinese scientists pakhat chun a hmasatakna dingin mei kâng theinaw paper a siemsuok. Hi

paper hi hun sâwttak hmanng thei ning ata, documents pawimaw hai kângmei laka venghimna ding a ðatak ani ding a nih.

Hi paper hin 1000 Degree Celsius chen a khawm a meiin a kâng thei ve nawh. Paper pangai anga thlep le hmettawm thei ani a, acid hrattak hmanng a suksiet thei a nih.



## Assam ramah Smokeless Tobacco Khap

Assam ram chu India rampuma a state hmasatak ni dingin tobacco product khu neilo chi hai hrim hrim dân ang taka ban thawtu hmasatak a nih. Hi thil le inzawm hin Pan masala, khaini, Gutkha, tobacco le nicotine ðhangna hrim hrim hai chu hawp le hmuom, zawr dawk, siemsuok le inpâk phal ni tanaw nih.

Hieng zawrtu hai man anni chun kum 7 chen inângin a intâng thei anta, chêng nuoi 1 a'nthawk a nuoi 5 chen fine bawk an tih. Chun, zarda, pan masala, gutkha fa man anni chun chêng 1000/- inchawitir ni'ng anta, man nâwk anni chun chêng 2000/- pei an man zat a chawi ding a nih. Smokeless Tobacco hin bau tieng Cancer 100 ah 90 a siem a nih.

## India Post in 3000 ATMs le 1.35 lakh mirco-ATM



India Post chun Commercial Banking ÷an lungril neiin ATM 3,000 le Micro-ATM nuoi 1.35 lai an saving account holder haiin September 2014 chen a an hman dingin siem a tum. Postal Department hin nuoi 1.55 post office a nei a, chu hai lai a 100 ah 90 chu thingtlang khuo hai a um an nih. Anni hin kum khat a mi'n pawisa an sie hai hi 4% a pung a pèk hlak a, Postal savings popo hi Rs. 6.05 trillion ana India ram a Bank lientak SBI zâtvê lai savings neiin private sector bank tamtak haiin an phâknaw a nih.

### PADMA AWARDS 2014



President Pranab Mukherjee chun January thla tâwp khan Padma Award 2014 dawng ding hai hming a puonglang. Padma Award mi 127 hai lai semsuok ani a, hi award hi India ram a Civilian Award insângtak a nih. Award hi hmun thum a ÷e nâwk ani a, chu hai chu Padma Vibhushan – Sinthaw÷a зуол bik lieu hai mi pahni Maharastra mi ve ve hai kuoma inhlân a nih. Padma Bhusan – Sin thaw÷a hai kuoma inhlân hlak ani a tukum hin mi 24 hai kuoma inhlân a nih. Padma Shri – Line dang dang thaw÷a зуол bik hai kuoma inhlân hlak ani a, tukum hin mi 101 in an dawng a nih.

### Mi 500 Chau in Tawng Hman

Mi 500 chau a hman ÷awng People's Linguistic Survey of India hai sui dungzuin Gujarat rama tribal ÷awng (dialect) tamtak hai chu a hman tu mi 500 nêk a tlawm wawng anlo ni tah.

### ASSAM MSME POLICY

Assam chun Lok Sabha inthlang le inzawmin Industrial Policy 2014 chu MSME (Micro, Small and Medium Enterprise) suk hmasâwnna dingin a tlângzar. Hi Policy hi march ni 1 anthawk a kum 5 chen a ding a riruong siem a nih. Micro unit hai ÷hangpuina ding hin sawrkar chun an in÷anna ding sumpui (capital) chêng nuoi 10 chen pe a 30% chen subsidy a pèk dingin a tiem.

### CAPRISA CHUN HIV SUKCHAUTU A HMUSUOK

Center for the AIDS Program of Research in South Africa (CAPRISA) chun March thla bul khan HIV hrik sukchâu theitu antibodies an hmusuok. Hi thil hi nasataka enfie ani a HIV hrik hai tamtak a that thei ani sukchieng a nih. Hi thil an hmusuok a'nthawk hin HIV Vaccine (invêngna) an hung siemsuok ngei an beisei thu scientist hai chun an hril. Rannung a hlawtling taka ensin a hman ani ta a mihriem a chun hman ala ni naw a, hun sâwt nawte a hman an beisei thu an hril bawk.

## *Chanchin Tlângpui*

### **Akash Missile**

Indian chun hlawtling takin Hnuoi le Boruok Missile chu February thla bul Chandipur in Odisha hmunah a ensin.

### **Tribal Online Shopping**

Union Ministry of Tribal Affairs chun Tribal hai thumhnav le an siemsuok hai internet hmanga zawr thei dingin Online Shopping Portal February khan a hawng.

### **OBC Central List Amend**

Union Caninet chun NCBT hai a'nthawk a thurâwn a dawng angin OBC Central List, State 13 le Union Territories 3 hai a mi chu siemtha dingin January thla khan remtina a pêk tah.

### **Mental Health Care Bill Siemthat**

Union Cabinet chun Lungril kimlo hai suk hmasâwnna ding le an dikna chanvo hmumhal pêkna dingin Mental Health Care Bill chu amend dingin remtina January thla khan a pêk.

### **India Thautui Lâklût Apathumna**

India ram chu khawvêl pumpui a puotieng a'nthawk a thautui lalut râwntak a pathumna nina chu Japan ram khumin a pakhatna a kêi tah.

### **ICC Nuhmei Umpire Hmasatak**

Kiwi Kathy Cross chu ICC chun nuhmei International Umpire nina ahmasatakna ni dingin ruot a nih.

### **Plastic a'nthawk a Thautui**

National Institute of Technology (NIT), Odisha, chun polymer plastic chu plastic

pangai hai hmanglo a thautui a siem dân ding technology an hmusuok.

### **Diesel Bile Thar**

Hero MotoCorp hai chun 150cc hybrid diesel motorcycle RNT January thla kan an tlangzar.



### **Indian Pawisa Zimbabwe-ah**

Reserve Bank of Zimbabwe (RBZ) chun India pawisa chu an ram sùng a legal tender (an pawisa ang a hmang thei) dingin January thla khan an puonglang.

### **Ranji Trophy 2014**

Karnataka chun an khingpui Maharashtra chu wicket 7 a hnein Ranji Trophy 2014 chu hnena anlo chang tah

### **Olympic Torch Mount Elbrus ah**

Olympic torch chu February ni 1 khan Mount Elbrus, Russia tlângsip (5642 meters above sea level) Europe rama tlang insângtakna hmunah sukchawk alo ni nâwk tah.

### **India Mono Rail Hawng**

India ram a monorail service hmasatak chu Maharashtra Chief Minister Prithviraj chavan in Mumbai ah hawngna a nei.

### **MGNREGA Hnuoia Ni 50 Belsa**

Center chun MGNREGA hnuoi a ni 100 inhlawna tilo ni 50 dang inhlawna a

chuongin Forest area a ST um hai ta dingin a belsa.

### **Cheng 5 & 10-ah Vaishno Devi Lim**

Reserve Bank of India (RBI) chun chêng 5 le chêng 10 thir Hindu pathiennu Vaishno Devi umna a siem thar.

### **Maruti 800 Suktâwp**

Maruti Suzuki India chun Maruti 800 siem a suktâwp tah. Hi car siemsuok hi January ni 18 khan alo tâwpsan an tah.

### **Same Sex Marriage Bill**

Scottish Parliament chun Same Sex Marriage Bill (Nuhmei le nuhmei innei theina le Pasal le pasal innei theina dân) chu alo pass der tah.

### **Jain Hai Minority Pêk**

Union Cabinet chun minority status, Jain community hai chu alo pêk remti tah. Anni hin sawrkar a'nthawk a minority haiin an dawng ang hai dawng ve thei ding an nih.

### **Agni-IV missile**

India chun January thla tâwp khan nuclear-capable surface-to-surface Agni-IV missile 4000 kilometer kap

theina chu hlawtling takin Odisha hmunah a ensin.

### **101 Indian Science Congress**

The 101st Annual Session of Indian Science Congress (ISC) chu University of Jammu a neiin February 3 a'nthawk a ni 7 February 2014 chen khan hlawtling taka hmganzo a nih.

### **IRCTC E-Wallet Scheme**

Indian Railways Catering and Tourism Corporation (IRCTC) chun E-Wallet Scheme chu payment hai a'n rang nâwk zuol theina dingin February thla bul khan tlangzar a nih.

### **Telengana Bill Passed**

Andhra Pradesh Re-organisation Bill 2014, Andhra Pradesh hmun hni a khawidartu Bill chu Lok Sabha-ah February thla tâwp khan passed alo nih tah.

### **Mouthwash lein Heart Strokes**

Antiseptic bau ðuona hai hin bau sùnga bacteria lungphu ta dinga ðangkai a thatsa hlak leiin heart attacks (lungphu châwl) a um nuom ti hmusuok a nih.

#### **NICKNAMES OF INDIAN CITIES**

Bangle City - Hyderabad (Andra Pradesh)

City of Blood - Tezpur (Assam)

City of Dawn - Auroville (Pondichery)

City of golden Temple - amritsar (Punjab)

City of Palaces - Kolkata (West Bengal)

City of seven Islands - Mumbai (Maharashtra)

Diamond City - Surat (Gujarat)

Egg city - Namakkal (Tamilnadu)

Garden City - Bangalore (Karnataka)

Golden City - Jaisalmer (Rajastan)

Lake City - Udaipur (Rajastan)

Orange City - Nagpur (Maharashtra)

Pearl City - Tuticorin (Tamil Nadu)

Rose Pink City - Jaipur (Rajastan)

Sandal Wood City - Mysore (Karnataka)

Sun City - Jodhpur (Rajastan)

Temple City - Bhuvaneswar (Orissa)

Twin Cities - Hyderabad and Secundarabad (Andra pradesh)

Weavers city - Panipat (Haryana)

White City - Udaipur (Rajastan)

*Dr. Builumum Says.....*

*Ka fâkruk râwn ta  
a thâu khawm ka thâu ta ie.  
Ka fâkruknaw hlak chun 'Officer  
châu, mani fâkding khawm hrelo'  
ka hlaw ding ana ka fâk ÷eu ÷eu el a nih.  
Inthieng takin um lang Kohran,  
Khwatlang le Organisation  
hai a iengkhawm ka thaw theinaw ding  
ana, mi'n mi lâwm bawklo ding ka  
Fâkrûk hai hi in hlâwkna  
vawng a nih ti in hriet?? Pathien le kan  
kâr buoi naw ro!! T̄huoitu a mi  
ruot unla lem chu  
PUI T̄EI ei tih.*



**SIEMTU LE THILSIEM**

**Scientist hming**

Avogadro Avogadro's  
B. F. Goodrich  
B. F. Skinner  
Baird  
Bardeen, Shockley, Brattain  
Benjamin Franklin  
Benjamin Franklin  
Bessemer

**Thil hmuosuk**

Hypothesis  
Zipper  
Behaviorism  
Television  
Transistor  
Bifocal Lens  
Lightning Conductor  
Steel Melting Process



*"A nation that does not know how to read and write is  
easy to deceive"*

*Ernesto Che Guevara*

**Inchûklâi Nun**

(Organ of the Hmar Students' Association)  
PO Box No. 52 HSA Campus,  
Rengkai, Churachandpur, Manipur - 795128

**PRINTED MATTER**

(Regd. No. A182 RN No. 461-57)

Postal Regd. No. MNP - 08

To

.....  
.....  
.....

*If undelivered please return to  
The Editor, Inchûklâi Nun  
Pipi Shopping Point,  
Muolhoi, Haflong  
PO Haflong : 788819*